

宜陽縣志續編

祥異

咸豐十一年夏彗星長竟天自西北噴至東南光芒徹夜歷
秋始滅

同治元年夏六月飛蝗蔽天自東而西徧滿隴畝

光緒七年有星晝見

八年十月望後星隕如雨

十九年五月某日午後韓城西遭大風大水斯拔三鄉廟費
瓦皆飛越數十丈范氏所建之坊亦被吹倒

二十六年正月初二日晨刻洛北一帶居民忽相驚以走時

值令節

俗謂之拜年

往來省親者或至拋棄其穉孩於道若逃急

兵然不知何自起亦不知將焉避踰時始定是年三月十六日晚天雨雹其大如拳厚五寸餘田苗皆盡東西約三十餘里西北東南約百餘里三鄉爲甚

二十七年二月恆陰霾黑風四起白晝昏不見人是年夏大旱秋九月大雪

三十年有星晝見夏大旱中伏始雨秋禾不登

三十三年夏大旱熒惑入南斗出而復入月餘始息

宣統元年七月城東一帶徧地突生黑蟲長寸餘抱禾穗而食粒子俱盡延至城西亦是年十一月 日晚大雨如注

二年四月上旬五更時彗星出東方長丈餘中旬薄暮又出
自西南長兩丈餘

中華民國

元年九月二十一日以陰曆言將暮突有黑氛一縷自白楊鎮西

南來俄焉散布天半嗅之有煤烟氣咸相詫異是年秋大旱
禾不登場麥未布種

二年春瘟疫大作麥米市價制錢二千七八百文


三年六月以陰曆言飛蝗至七月復生蛹城東北鄉暨西關丁灣

靈山橋頭一帶食田禾殆盡其有蝗蛹所未至之處禾穗中
徧生黑蟲穀粒皆枯是人所未經見者

三年九月間生員彭生新於汪汴谿洞中獲土靈芝一莖按
彭生多聞識精醫理嘗考察草木藥品於宜境所生之藥
有古今常用而未知宜出最善者有本草已載而後世誤
傳錯認用非其真者有本草有名未用或用不詳確而闕
疑待質者彭生於各門內考察確實在宜境所常見者八
十餘種輯有藥物新識一卷既得土靈芝乃自爲之序
序曰土靈芝形如薜荔又與未開玉簪花相似所可異者
莖自下起二寸許復折而下頭抵於根其色黃明可愛生
於洞中巖土壁上予取持歸對本草綱目李時珍曰靈芝
之芝本作之篆文象其屈而不伸之義後人借爲語辭遂

加草頭以別之爾雅茵芝也註云是瑞草又或謂生剛處
曰茵生柔處曰芝此則生洞內黃善土壁之上是芝而非
茵可知王充論衡云芝生於土土氣和故芝草生瑞禽禮
云王者慈愛則芝草生今吾獲此非宜邑之禎祥而何

四年春二月上王村郭姓家雄雞孵二卵較常卵倍大鄰村
傳觀遐邇幾徧



疆域

山川

臥雲山在宋店南俗呼南臺坡半壁山之支麓也山多翠柏古色葱蘢中有洞窟西佛藥王諸神祠西偏一石窟深黑莫窺其底

柏山在韓城北旁有橫流澗在水經曰西度水水發源自熊耳山勢蜿蜒西來夾水而東蟠結於秦山北麓是爲柏山在澗之南峯巒聳翠鬱乎蒼蒼邑西一勝景也

湧水在韓城西十九里源出下馬溝西北東南流約五里許過湧佛寺至流渠村南注於洛

銀河源出董王村龍泉北溝溝水自石穴翻花湧百步外與
谷壩東溝水會灌田十餘頃流經宋店至嵩縣馬迴北入伊
高山形若臥虹鶴山俗稱活山山上有練船石中透巨孔爲
受練處俗傳神禹治水時遺蹟

瑞泉在鹽坡頭南有白龍寺佛座下有泉潛伏地中俯聽之
水聲如鐘湧出於西南五十餘步人以爲瑞泉云

兵警

紀事也志同史例史諱國惡有兵事則特書之志警也攷河南府志見宜陽民亢珽倡亂一節而舊志缺弗載豈諱言之乎茲特以類叙補述于此

亢珽亢珩邑之張深村人素習拳技以拒捕斃縣役於福昌閣下乃糾黨衆據神后砦自固

即仁厚寨

復結連澗池匪徒李一

寧等百餘人相聚入夥勢益猖獗鄰邑騷動官軍至乃四散走肆焚掠官軍追及於新安之曹村紙房一帶生獲一寧等及首惡亢珽誅之而釋其脅從者亂遂定事在康熙五十年嘉慶元年川楚教匪齊寡婦由嵩犯宜西南境

咸豐 年秋粵匪逆黨數百人突擾宜陽西鄙古村宋塢一

帶邑令李公偃督勇勦之追至楊汝賊禦戰勇目莊克己

韓城

人燃礮擊之殪逆酋紅衣者墜馬賊遂大潰邑得無患

同治元年槍匪西竄三月十八日突至段村一帶鄉民團勇
與戰而潰賊蜂屯瞰縣城城中恟懼紳耆謀遣壯役宋城納
金詣賊營求免縣令謝公仁溥知兵事以爲不可 令設守
備嚴防堵急則毋塞南門留生路衆弗聽役往而賊畢登城
遂陷紳民男女赴死者巷井悉滿謝公衣冠坐堂皇罵賊極
口賊燬焉官軍至城復邑人乃拾謝公遺骸於灰燼中葬諸
香山寺側于後縣令周公雲爲之誌詳見藝文

張萬超者東趙保無賴子也兇很好鬥結納亡命相與侵凌
鄉氓遂有肆行劫掠者宜陽刀匪之名乃自此接迹矣

同治庚午歲旱飢匪徒擁萬超於石墨山頂衆至數百人蔓延至岳頂山麓據雲蓋寺爲巢穴勢張甚孫店守備某公督隊往勦敗於山徑被戕於是河北鎮暨東鎮官兵雲集山下邑令恆敍庭先生單騎詣匪巢諭令効順萬超知感泣而匪徒脅之弗得解卒以窮蹙就俘乃戮匪徒百餘人於張塢萬超於洛陽西市伏誅

民國二年秋七月鎮嵩軍標統憨玉琨督隊來宜張治功駐白楊鎮武衍周分駐韓城三鄉一帶爲勦匪故也當是時土匪之患亟矣宜陽四境焚掠幾徧申心寬

洛陽人

丁長江郭廣

山

嵩縣人

爲之渠魁范懷金亢城裴贊等


皆宜陽人

亦互相招致居

民震駭維日岌岌經鎮嵩軍搜勦四出丁匪首先就戮復擊斃悍匪魯君保等多名匪黨乃稍稍遠颺潛伏而申匪擾龍門迤南猖獗甚官軍移隊往勦郭廣山等煽動於宜陽之西鄙勢且復熾矣於是縣令張筱波先生躬督練勇招集鄉團從官軍之留駐韓城者四面會勦而居民創鉅痛深亦一鼓作氣合逐匪而圍之於崔家坡杜家渠等村匪突而竄入於馮嶺之東溝中乃聚而殲旃時三年五月晦日也郭范諸匪旣斃官軍之在龍門者復殮申心寬等地方於是乎始獲安謐鄉村頌德歌功到處勒碑紀績焉

土匪之爲患久矣其敢行劫掠在同治初年已然然猶潛藏竊發捕者至鼠竄以去久之而人莫敢捕官不能制則有河北鎮軍分駐韓城白楊樹等處卽在光緒季年

亦恒有巡防軍官爲之時行勦除而匪徒之伺隙乘間恣意焚燬者如故也迨至宣統庚辛間匪勢乃大熾矣始而盤踞山林繼而攻擊砦堡且駸駸焉直與官軍對敵脅人供饌遲則先焚其巢據人勒贖否則立殘其軀半夜呼嘯至則雞犬皆驚一夫荷鎗來則村舍全避於是乎蘇羊就燬矣水碓告陷矣鹽坡頭石陵街亦均被蹂躪矣東向如楊店周村一帶既擾攘以不堪南去則稍保宋店之闕復煽誘於不已四鄉震聳奔避無地縣城孤危日益岌岌道絕行人門日晝閉擊柝者忍飢渴以招呼守陣者耐寒凍而蹲踞勞頓踣莫敢違息噫甚矣憊今幸盜賊屏息地方漸就靖謐夫固謂時局方危之未敢卽安也且又謂後事卽安尤當思危也因述其事之勒諸碑銘者以誌詞曰屹屹縣城燦列錦屏胡然而驚呼四起雞犬爲之不寧匪兇匪虎寇生斯土羣焉嘯聚山林時竄而時伏突如其來劫爾貲財無戕爾眷屬無焚爾廬舍亦云幸哉斷無敢啼之稚孩誰不恤其家誰不憐其子胡縱淫掠以至於此彼實凶悍警不畏死固宜整我戎行盡殺乃止嗚呼噫昔之時人心不固倚山爲城傍城爲塹而猶若皇皇然賊已飛渡今乃淨掃塵氛恍披雲霧作息晏然耕鑿如故噫嘻我公來何暮



賢大夫祠 祀邑賢侯李公廷揚恆公敘庭兩先生光緒二十二年邑庠生張務學糾合四鄉首事紳庶輸金所建者先是我宜陽有協濟新安兵差之役邑民苦之經李恆兩公再次瀝稟府憲既停免矣詎至光緒二十一年冬分巡道朱公威脅縣主董公迫令復行協濟實新人慙息之矣閭邑震憤風潮且起韓城張務學膽略素裕勇敢有爲乃挺身倡首主議令陳萬成任上選梁鳳郊李泮藻等瀝稟撫轅各里士民釀金錢爲之資斧幸劉撫軍洞鑒民艱批令各支各差永不協濟鐵案如山矣邑人痛定思痛念非李恆兩公力稟有案何

卷之九

遽能此乃取訟費餘金鳩工庀材創建祠宇三楹垣牆一周
邑紳陝州學正馬毓麟爲之序以紀其事

高等學堂 在錦屏書院舊址西鄰乃縣尹王鐫於光緒三十
一年所奉檄勸建者邑紳胡鼎三字捷臣素慷慨好義舉爲
之營造講堂三間禮堂三間東西廡房各九間門樓一間耳
房兩間躬親督工獨輸已貲不支官款分毫上憲獎以同知
銜縣尹暨學界人士共送匾額以旌其事

勸學所 在賢大夫祠前亦縣尹王鐫奉檄勸建與高等學堂
並修者講堂三間東西廡房各三間門樓一間耳房兩間共
支銀約五百兩官款出其二仍胡紳鼎三督工獨任其三既

成縣尹王復勸富紳張恆泰捐銀一千三百兩購地多畝生息以充學堂經費張南留村人也

產生堂 在勝因寺前路西光緒二十七年縣尹王郝蘭建置時因流民過境者衆往往有產婦臨盆之所棲止風餐露宿生命堪虞故爲之建置於此亦善政之一端也

節孝坊

有三一在福昌村西爲梁朝相之妻亢氏建一在韓城爲王金榜之妻馮氏建一在窪裏村爲趙重華之妻程氏建

尚塢渠

光緒二十三年縣丞臧漢臣督飭居民開

杜家渠


在縣西北境渠名卽其村名村舊有渠壞久光緒初年居民重開

上莊渡

民國二年創造渡船

鳳凰臺

有二其一在鋪屏山東其一卽柏坡寨



古蹟

壇壝故址

民國七年

曆陰

三月初八日閭邑紳民爲承購官產公懇轉詳

事竊宜陽山陬僻野河流曲屈環圍城廂毫無附着所賴以巍然壯觀者厥惟壇阜綱紀法度實式憑之茲聞

縣長先生會銜變賣各項官產懸標招投事關要公曷敢違抗但查先農神祇社稷邑厲各壇久經祀典兼載志乘且於風土人情頗有關係未宜聽私人買爲已有以拂輿情合邑紳耆集商情願遵照原定數目備價承購懇請

縣長先生俯順輿情詳轉官產處委員准作宜陽縣公有裕

國便民則合邑均感大德矣謹舉

計開

先農壇 基地一畝六分五釐

神祇壇 基地一畝六分五釐

社稷壇 基地一畝零六釐六毫

邑厲壇 房三間 基地四分九釐

賦稅

錄叙征收附稅一節查卷連篇累牘不可勝鈔姑從節略擇要存志

民國四年六月河南財政廳顧以議征畝捐每丁漕行糧地一畝征收錢六十文名曰附稅飭開試辦卽於本年七月一日爲始查宜陽舊額丁地共有五千九百二十三頃三十四畝五分三釐每年額征正銀一萬七千六百九十五兩六錢四分八釐同治初皖匪陷城征簿全燬嗣按平日各鄉里催糧草冊稽核彙編實共積得地五千六百六十一頃五十八畝六分五釐計短無著地二十六頃一十七畝五分八釐近來洛河兩岸及山

峽匯注之處地畝被水冲沙壓者共地四百一十二頃四十畝零三分五釐頻年催征掃數爲難既奉飭試辦附稅縣知事張卽按應征正銀一萬七千六百九十五兩六錢四分八釐攤征計每納正銀一兩應加納附稅錢一仟七百八十文詳請示遵蒙批查該縣因計畝爲難擬將附稅總數按糧攤征應准照辦惟該縣糧有停緩以實地合算數目未免短絀應照全縣額地按糧勻攤每糧銀一兩應收附稅錢二仟零零八文然後將停緩之糧除免方能符合當時鄰縣有按糧銀一兩加納附稅錢六百者合縣於是推公民代表以田薄賦重懇請轉詳減輕附稅云云蒙廳長顧批查該縣前詳按糧攤加每兩應加稅賦錢

一千七百八十文當經核明該縣額地應加二千零零八文批
飭遵辦在案卽有碍難情形亦當照該縣原擬之數方爲正辦
今復稱每納正銀一兩征賦稅錢六百文與前詳數目大相懸
殊云云不准

八月二十日縣知事張復據邑紳以宜陽土地之磽瘠人民之
奇窮實不能與膏田沃野之區同負擔任公請仍照前議之數
完繳附稅抑或仿照鄰封議征之數完繳請核議示遵復蒙廳
長顧批查此項附稅准予按糧攤征係屬變通辦法仍以畝數
爲本位故地多糧少則攤數較重地少糧多則攤數較輕各縣
情形不同豈能一致今該縣不問境內之畝數但以糧銀爲比

例且稅額議定隨糧征收糧有停緩附稅亦隨之而緩謂水冲地畝不准剔除均屬誤會如新安縣以地合糧數目相符批准照辦而洛陽洛甯嵩縣等處合算錯誤均經批飭另議尤難藉口云云

九月十一日知事張復據邑紳以地分三等請均苦樂等情詳請

示遵

按宜陽舊額原共金銅鐵坡四項三等上等地五十三畝五分六厘九毫舊則每畝征銀一錢二分銅地六十四畝七分九厘一毫每畝征銀六分一厘下等鐵地二千七

百七十四頃一十四畝零二厘七毫坡地二千八百八十六頃二十六畝二分六厘九毫鐵坡兩項每畝均征銀三分一厘一毫擬將金地作為上等每畝繳稅錢六十六文銅地次之每畝繳

稅錢三十文鐵地坡地兩項屬在下等每畝繳稅錢

二十文既符按畝徵稅本旨又免苦樂不均之嗟

蒙巡按使田批據詳已悉該縣瀝陳舉辦附稅擬議情形尙非空言搪塞者比姑准仍飭財政廳覆核飭遵此批廳長顧批據

稱地多瘠薄姑從寬減卽照初詳所擬一千七百八十文集紳商勸實行征收勿再遷就敷衍云云

十月四日縣知事劉復以邑紳籲懇減輕附稅公私兩便情形詳

請示遵

以爲每糧銀一兩加收錢六百元既奉駁飭未便仍照前議擬卽按照完納糧銀六分作地一畝收附稅錢六十一文每兩收錢一千文共計通年可收附稅錢一萬六千

三百三十一千六百六十六文廳長顧批仍按一千七百八十文隨糧征收毋任藉

詞推延云云

十一月八日知事劉復瀝陳征收附稅困難實在情形詳請鑒核

示遵蒙廳長顧批

上語從略

姑念到任未久格外從寬再減八十文

共減三百八十文按一千七百文加收云

民國五年六月合縣紳民以宜陽附稅乞照洛陽折合辦法使宜

陽每糧銀一兩加附稅錢五百三十文以昭平允公懇轉詳縣知事劉卽以詳請示遵蒙廳長顧批查此項附稅按糧攤加係以畝數爲標準糧銀爲範圍迄加數已定上地糧多完稅自多下地糧少完數自少其中明分等次并非苦樂不均迭經批示在案今復將下地折成上地請加收五百三十文殊屬誤會各縣無此辦法且該縣附稅以畝數合計每糧銀一兩應攤加錢二千零零八十文前經核減按一千七百文加收亦由地薄之故格外從寬茲據稱麥收減色民力拮据係屬實情應准再減三百文實收一千四百文以示體恤

右爲請減附加稅事稟呈意頗剴詳憲批語多嚴厲辭不勝


錄姑從節略縣署存卷可查

民國六年五月八日財政廳長王札飭開查附稅一項經省議會議決辦法普通各縣照現徵數減二分之一其特別各縣每兩正銀完附稅錢逾二千五百以上者減三分之二咨請公布等因當由省長分電部院核示現奉國務院電復照准自應即日施行除由省長公布並另行飭遵外該縣在普通之列查明每兩正銀現收若干卽減半徵收仰速示諭催徵務令爭先完納大批報解一面另造應徵確數清冊送廳備核

民國七年三月財政廳長蔣札開戊午新賦前因呈請折徵銀元案經交議當經電知各縣不得提前開征現在此案業經省議

會全體表決每正銀一兩折徵銀元二元二角漕米一石折徵銀元五元並奉兼省長趙諭令電知開征除詳細布告刷印另登隨即寄去附加稅卽抵補金循舊征收外用先電達卽祈遵照辦理至此次糾正賦稅通省牽算減多增少於民情無絲毫
不便尤在該知事善爲曉導嚴束書役不准額外浮收庶幾推行盡利倘地方或有浮議甚或小起風潮是該知事勸導不力奉兼省長嚴切面諭定惟該知事是問卽行撤處辦理妥善者亦不惜獎勵賞罰必明因並以布聞縣知事林爲鐵糧改章出示曉諭事項奉財政廳電以本年新賦折征銀元一案前交省議會議現經會全體表決每正銀一兩折徵銀元二元二角

附稅照舊每兩七百文飭卽布告開征等因查宜陽錢糧舊章
凡大糧正銀一兩實收銀一兩四錢五分小糧一兩實收錢二
千九百文此次改折銀元數目兩相比較並無虧損且改折之
事他省早已遵辦河南豈能獨異茲定於三月二十七號卽陰
曆二月十五日遵照新章設櫃開征合行出示曉諭爲此示仰
閭邑花戶人等一體知悉



學校

宜陽舊有書院名曰錦屏外有義學凡五處道光八年知縣
熊承壽勸各里捐置義學共三十六處迄今學堂之設與舊
屋稱為義學悉從改置又設勸學所以督理其事舉勸學員
以提振其功於是乎四方從風學堂林立乃蒸蒸日上焉列
叙以志

立 高等小校 在城南關錦屏書院舊址光緒三十一年十月立

立 育英初小校 在城內前儒學署光緒三十三年八月立

立 養正初小校 在黃澗口廣生殿光緒三十三年立

立鄉韓關初小校 在韓城西關舊書院光緒三十三年立

立鄉宜東初小校 在韓城東關崇真觀光緒三十三年立

立鄉振華初小校 在西官莊關帝廟光緒三十三年立

立鄉自強初小校 在三鄉鎮五華寺光緒三十三年立

立鄉聚樂初小校 在尋村薄姬廟光緒三十四年立

立鄉可樂初小校 在可樂瀉關帝廟光緒三十四年立

立鄉金溪初小校 在馬朝溝梁氏祠堂光緒三十四年立

立鄉致道初小校 在後元村賈氏祠堂宣統元年立

立 鄉知新初小校 在溫村民宅宣統元年立

立 鄉純修初小校 在沙坡頭泰山廟宣統元年立

立 鄉湧泉初小校 在流渠村湧佛寺宣統元年立

立 鄉鹿泉初小校 在魚泉村龍王廟宣統元年立

立 鄉啟蒙初小校 在河戰村民宅宣統元年立

立 鄉寶屏初小校 在孔昌村寶屏寺宣統元年立

立 鄉望重初小校 在桑梓溝帝關廟宣統元年立

立 鄉安陽初小校 在凹哩村民老宣統元年立

立鄉昌陽初小校 在下莊村民宅宣統元年立

立鄉維新初小校 在東柏坡張氏祠堂宣統元年立

立鄉又新初小校 在王睿村民宅宣統元年立

立鄉育才初小校 在岳社村南寨宣統元年立

立鄉向陽初小校 在蘇羊村劉氏祠堂宣統元年立

立鄉洛汭初小校 在馮莊村七星廟宣統元年立

立鄉屏南初小校 在谷埕村大覺寺宣統二年立

立鄉普化初小校 在十字嶺白衣堂宣統二年立

立 鄉同勉初小校 在丁灣村土地廟宣統二年立

立 鄉自新初小校 在柳泉鎮民宅宣統二年立

立 鄉興華初小校 在張塢村民宅宣統二年立

立 鄉昌濱初小校 在西柏坡民宅宣統二年立

立 鄉文會初小校 在連楚村民宅宣統二年立

立 鄉務本初小校 在程塢村泰山廟宣統二年立

立 鄉甘棠初小校 在甘棠寨民宅宣統三年立

立 鄉羣英初小校 在子村郭氏祠堂宣統三年立

立鄉培根初小校 在趙溝村趙氏祠堂宣統三年立

立鄉古盤初小校 在鯉魚溝魚藍殿宣統三年立

立鄉連昌初小校 在掩犁溝劉氏祠堂宣統三年立

立鄉啟新初小校 在東王村陳氏祠堂宣統三年立

立鄉慕新初小校 在古村常氏祠堂宣統三年立

立鄉敬修初小校 在霍灣村雷公寺宣統三年立

立鄉尙武初小校 在上孟村東崖寺宣統二年立

立鄉福昌初小校 在福昌村普巖寺宣統三年立

立鄉宗漢初小校在楊樹凹村民宅宣統三年立

立鄉仁厚初小校在仁厚村泰山廟宣統三年立

立鄉鼎立初小校在西高美村泰山廟宣統三年立

立鄉平泉初小校在平泉村馮氏祠堂宣統三年立

立鄉養蒙初小校在上宋屋村玉皇廟宣統三年立

立鄉勤修初小校在程子村泰山廟宣統三年立

立鄉龍川初小校在下龍屋村泰山廟宣統三年立

立私愛羣初小校在下河頭關帝廟宣統三年立

立鄉古徐初小校 在四嶺頭村羅漢亭民國元年立

立鄉宗周初小校 在東柏坡周氏祠堂民國元年立

立鄉同聚初小校 在前坡村民宅民國二年立

立鄉南軒初小校 在營裡村官房民國二年立

立鄉靈秀初小校 在石村民宅民國二年立

立鄉明德初小校 在王岳村王氏祠堂民國二年立

立鄉啟智初小校 在段村民宅民國二年立

立鄉紫羅初小校 在紫羅村民宅民國二年立

立鄉靜修初小校 在韓溝 民宅民國二年立

立縣木錦初小校 在城內太清觀民國三年立

立鄉屏南第一初小校 在白楊鎮關帝廟民國三年立

立鄉羣樂初小校 在官莊村三聖殿民國三年立

立鄉龍吟初小校 在張延村民宅民國三年立

立鄉日新初小校 在鮑瑤村關帝廟民國三年立

立鄉木鐸初小校 在木柵關民宅民國四年立

立鄉進化初小校 在南村民宅民國四年立

立縣初級女校 在城內廣生殿民國二年立

立鄉初級女校 在尋村民宅民國二年立

立鄉初級女校 在後元村祖師殿民國四年立

立鄉初級女校 在三鄉鎮民宅民國四年立

風俗

宜陽士風淳樸一領青衿矯矯自愛光緒丁丑學宮頒發貧生糧有甘窮餓而不願受者廉介勵操猶存先民之矩矱焉惟八股家數專習時藝幸掇一芹羣書遂置之高閣或延以教材塾則淺陋粗疎敷衍從事學徒有數年不通一經者是則教育家之所當急爲改良者也

採煤於山開礦營業城關東鄉一帶之所共奔走也西鄙自韓城至白楊樹上下百餘里道通秦晉吳楚富商大賈輻輳之所沿途居民亦多作小負販各營生矣迺自土匪縱橫物力耗敝商賈不行民生乃以大困但使勦撫兼施盜賊斂跡

逐末者各務本業好閑者咸思力農是又前途之轉機所可
希望者也

利益之求惟興實業實業之興先講工藝我宜陽民貧甚矣
人每歸咎於地瘠之故則有不然者牛角馬骨豕毛雞羽皆
堪製造爲有用之物至於麥秸作辦柳梢成筐草帽蒲蓆之
屬老嫗少婦優爲之我鄉人未有是也無論奇巧異技卽金
石土木泥水之作所常需者恆落落如晨星往往覓工於數
十里百餘里外不止乃相聚而言曰吾儕笨人惟力農耳究
之冬春暇日袖手無事非遊聚賭之場卽設朋飲之局少年
稍浮動其不相率而入於匪僻之途也者幾希傳有之民生

在藝藝則不價是又教育家所當急爲提撕者也

鄉民儉嗇有素愛惜物力尙矣近來籍列搢紳居近城市者
恆以文明相效仿酒食徵逐賓友酬酢之地往往務求豐美
已稍流於奢靡之習至於結社賽會動輒招優演戲笙歌喧
闐綵仗塞路糜費至數十百千不止此其平日或講學務或
輸官款皆齟齬焉務從節算銖銖必較者是則向來之積習
所當轉移者也

鄉民有言曰戲爲高臺教化野夫村婦罔知詩書其見聞所及在家庭規誡婦孺處黨鄰
勸勉子弟類皆稱說戲文以爲徵引若經典然設使日演忠臣孝子義士節婦之故事爲
之涵泳濡染以深且久安有不懷其心目而決於骨髓者戲庸何傷是說也於理似然而
情則非何也豪縱之族恆喜浮華儻薄之夫矜尙淫泆其在讀書種子猶有水滸誨盜丙
廂誨淫之虞而况優俳之徒炫異矜奇弄嬌獻媚其足以蕩人心志尤當何如耶今試聽
之野唱村歌街談巷謔往往以悖逆之行爲豪舉詭譎之辭爲快談淫污之談爲奇遇此

爾求教化於戲園之場不亦慎乎或者謂法變從新俗革易舊往歲省垣有新劇團之所
倡道類教育家之所研究設使鄉鄙之地能得戲劇改良俾愚夫愚婦日涵沐浴染於忠
孝節義之教化豈
不甚善然而難矣

祀典

祭期

民國三年九月頒發典禮每歲以夏時仲春仲秋兩上丁日

致祀

至聖先師孔子前祀三日齋戒散齋二日致齋一日正獻以縣長

主之執事人以地方員紳學校教員學生之嫻禮儀者選充

在城文武官委任以上咸與祭前一日有司飭廟戶潔掃殿

廡內外供張如儀是日午後執事者敬書祝版

用白紙墨書版長一尺二寸廣八寸

潔室安奉遂詣宰牲所省牲獻宰

祭器

將事之夕夜半執事官各率其屬入具器陳

正位籩豆案上爵墊一其前登一

實以簋二實以簋二實以
太羹 鉶二 實以簋二 實以
和羹 籩二 稻粢 黍稷

籩十有二

實以形鹽稟魚棗栗棗麥芡
鹿脯白餅黑餅糗餌粉資

豆十有二

實以韭菹醢醢菁菹鹿醢芹菹
兔醢芻菹魚醢脾析豚拍醢食

糗食

俎實牛一羊一豕一

香案上設鑪一

焚以燭臺二燃以
降香 絳燭

四配位每案爵墊一其前鉶二簋二籩二籩八

去白餅黑餅
糗餌粉資 豆八 去牌

析豚拍醢
食糗食

俎實羊一豕一香案上設鑪一燭臺二

十二哲位每案爵墊一爵三

實以酒 鉶一簋一

實以黍 簋一 實以 籩四 實以

形鹽棗
栗鹿脯

豆四

實以菁菹鹿醢
醢芹菹醢醢

籩二俎實羊一豕一香案上設爵墊一鑪

一燭臺二帛九

正位一
配位二

哲位六

尊四

正位一
配位二

哲位一

爵十有

一設東尊桌接桌上帛八

配位二尊三
哲位六

配位二爵九設西尊
哲位一

桌接桌上壺一實福酒并爵一盤一實胙肉均設東福胙桌上凡帛皆色白

正位

圖說異儀

十二哲東西共篚凡尊實酒承以舟疏布幕勺具東廡每位爵

一實每案置一篚一邊四豆四

先賢案前統設俎實羊一豕一香案上設鑪一燭臺二

先儒案前統設俎實羊一豕一香案上設鑪一燭臺二尊桌上

設帛二尊二皆先賢虛爵六篚幕勺皆具西廡陳設同

崇聖祠

正位每案爵墊一其前劔二簠二簋二籩十去糗餌粉豆十去醢食糝食香案

上設鑪一燭臺二又前統設一俎實牛一羊一豕一

配位每案爵墊一其簠一簋一籩四豆四香案上設鑪一燭臺

二又前東西各統設一俎實羊一豕一東尊卓接桌上設帛

六尊六皆正位爵十有八西尊卓接桌上設帛四尊四皆正

位配爵十有二兩廡每位爵一實每案陳設簠簋籩豆如

配位之數東西統設俎各實羊一豕一俎前香案上各設鑪一

燭臺一尊桌上各設帛一尊一虛爵三篚冪勺皆具凡登銅
簠簋皆用銅籩用竹豆用木篚用竹俎用木爵

正位三爵用玉餘皆用銅

祭儀

祭日昧爽正獻分獻各官豫集贊引導由櫺星右門入進大
次盥洗畢司祝以祝版進正獻官恭閱署名司祝進奉於祝
案

鼓初嚴典儀贊引各執事各就位再嚴燃燭焚香三嚴贊引
導正獻官由大成門左入就位分獻官各就位北嚮序立典
儀贊樂舞生就位執事者各司其事關戶 訖贊迎神司樂舉

麾贊舉迎神樂

樂奏昭
和之章

工鼓祝樂作贊引四拜正獻分獻皆

四拜司樂偃麾工夏啟樂止

右迎神

典儀贊奠帛爵行初獻禮司帛爵奉帛篚揭尊幕勺挹酒實

爵以進司樂贊舉初獻樂

樂奏雖
和之章

樂作樂工舉節舞千戚之

舞贊引贊詣奠帛獻爵位導正獻進殿右門詣奠帛獻爵案

正立贊獻帛司帛進篚正獻受篚拱舉司帛奠於案正中贊

獻爵司爵進爵正獻受爵拱舉司爵奠於墊中退贊復位導

正獻仍由殿右門出復拜位立左右司帛爵各奉篚實爵進

一四配 十二哲位前立兩廡司帛爵各奉篚實爵詣

先賢 先儒位前立分獻官各就案前受帛爵拱舉司帛爵
獻於案上退司祝就祝案前立贊引贊詣讀祝位導正獻進
殿詣讀祝位正立樂暫止典儀贊讀祝司祝奉祝立正獻官
左讀祝讀畢正獻官拱舉司祝奉祝版安於篚退樂復作贊
引贊復位導正獻官復拜位立贊四拜正獻分獻各四拜樂
止武功之舞退文舞執羽籥進

右初獻讀祝

典儀贊行亞獻禮司爵執爵以進司樂贊舉亞獻樂

樂奏熙
和之章

樂作舞羽籥之舞贊引贊詣獻爵位導正獻官進殿詣獻爵
案前奠爵於左分獻各詣 四配 十二哲兩廡位前分獻

如初復位樂止

右亞獻

典儀贊行終獻禮司爵執爵以進司樂贊舉終獻樂

樂奏淵和之章

樂作舞羽籥之舞贊引贊詣獻爵位導正獻官進殿詣獻爵
案前奠爵於右分獻各詣 四配 十二哲兩廡位前分獻
如初復位樂止文德之舞退

右終獻

典儀進至殿東西嚮立贊賜福胙退贊引贊詣飲福受胙位
導正獻官進殿詣飲福受胙位正立執事就東案捧福胙祇
立正獻官之右接者祇立於左贊飲福酒右者進福酒正獻

官受爵拱舉授左贊受胙右者進胙正獻官受胙拱舉授左

贊引贊復位正獻官復拜位立贊引贊四拜正獻分獻皆四

拜典儀贊徹饌司樂贊舉徹饌樂樂奏昌和之章樂作司爵進徹籩

豆各一少移樂止

故處

右受胙徹饌

典儀贊送神司樂贊舉送神樂樂奏德和之章樂作贊引贊四拜正

獻分獻各四拜樂止典儀贊奉祝帛送燎司祝奉祝司帛奉

帛司爵奉酒饌預設饌盤略取簠簋籩豆之實置盤內以備送燎以次由中道出恭

送燎所正獻官轉立拜位旁竢祝帛過仍復位 四配 十

二哲 兩廡帛饌均送焚燎分贊引分獻官退立拜位東西

樂作典儀贊闔戶訖贊禮成樂止正獻分獻皆歸

崇聖祠同時致祭贊引導承祭官入祠垣右門詣階下盥手畢
典儀贊執事各司其事贊引承祭官就位行禮儀節略與

大成殿同

每歲以春秋分節氣後第一戊日致祀於關岳廟殿內

正位左奉

關壯穆侯右奉

岳忠武王均南嚮兩序奉歷代忠武將士張飛王濬韓擒虎李靖
蘇定方郭子儀曹彬韓世忠旭烈兀徐達馮勝戚繼光東位
西嚮趙雲謝玄賀若弼尉遲敬德李光弼王彥章狄青劉錡

郭侃常遇春藍玉周遇吉西位東嚮均北上祭前一日齋戒
是日昧爽執事者潔蠲殿內外供張

正位籩豆案二其前香案二又前統設俎一皆南嚮東序一
龕西嚮西序一龕東嚮籩豆案各四統設俎香案東西各一
殿中少東祝案一北嚮祴桌 尊桌東西各一均北嚮饌桌
東西各一南嚮東西序籩豆案三每案四位統設俎香案各一至
於書祝版省牲戒具陳設就次盥洗閱祝版典儀各執事贊
引行禮儀節亦略與

文廟同

祝文

維某年月日承祭官某致祀於

至聖先師孔子曰維

先師德參化育道冠古今集羣聖之大成炳前知以垂憲天下爲
公中國一人之量生民未有六經千載之心循宮牆而瞻富
美入室升堂隆俎豆而奉馨香先明後法茲當上丁祇率彝
章肅展微忱聿將祀典以

復聖顏子

宗聖曾子

述聖孔子

亞聖孟子配鳴呼聲名所屆血氣莫不尊親光景常新禮樂明

其禮祀尚

饗

維某年月日某官某致祭於

肇聖王木金父公

裕聖王祈父公

詒聖王防叔公

昌聖王伯夏公

啟聖王叔梁公曰維

王垂裕後昆光開聖緒爲層冰之積水作大輅之椎輪既祖功而宗德必有達人亦木本而水源不忘數典茲屆上丁聿修

祀事配以

先賢孔氏

先賢顏氏

先賢曾氏

先賢孔氏

先賢孟孫氏尙

饗

維某年月日承祭官某敬祭於

關壯穆侯

岳忠武王曰維

神武功彪炳偉烈昭垂建大節於千秋振英風於六合忠誠正直麗河嶽而長留智仁勇功與日星而並耀潔馨香而合祀德量同符肅俎豆以明禋心源如接惟祈

歌享克鑒精誠尙

饗

樂章

迎 神樂奏昭和之章辭曰大哉


孔子先覺先知與天地參萬世之師祥徵麟紱韻答金絲日月既揭乾坤清夷初獻樂奏雝和之章辭曰永懷 明德玉振金聲生民未有展也大成俎豆千古春秋上丁清酒既載其香

始升舞干戚之舞亞獻樂奏熙和之章辭曰式禮莫愆升堂
再獻響協鼓鏞誠孚疊獻肅肅雍雍譽髦斯彥禮陶樂淑相
觀而善舞羽籥之舞終獻樂奏淵和之章辭曰自古在昔先
民有作皮弁祭菜於論思樂惟 天牖民惟 聖時若彝倫
攸叙至今木鐸舞如亞獻徹饌樂奏昌和之章辭曰

先師有言祭則受福四海饗宮疇敢不肅禮成告徹毋疏毋瀆樂
所自生中原有菽送 神樂奏德和之章辭曰崑繹峨峨洙
泗洋洋景行行止流澤無疆聿昭祀事祀事孔明以化烝民
以育膠庠

關
岳 廟迎 神樂奏建和之章辭曰懿鑠兮神功震華夏兮英風

義勇兮河東惟湯陰兮與同脩祀典兮方州佇降歆兮闕宮
奠初獻樂奏安和之章辭曰神來兮格思風馬下兮靈旂量
幣兮初陳薦芳馨兮玉卮瞻仰兮明威儼如在兮軒墀舞干
戚之舞亞獻樂奏靖和之章辭曰萬舞兮洋洋禮再舉兮陳
觴靈昭昭兮既留庶鑒誠兮降康舞同初獻終獻樂奏康和
之章辭曰名世兮鍾靈炳河嶽兮日星祀事兮三成肅駿奔
兮廟庭舞同亞獻徹饌樂奏蹈和之章辭曰告徹兮禮成神
其受兮苾芬明德兮惟馨播聲威兮八紘送 神樂奏揚和
之章辭曰雲駕兮高翔神將歸兮九閭受福兮烝民導我武
兮惟揚



職官表

知縣 縣丞 教諭 訓導 典史

光緒

謝應超

拔貢 福山人

趙季枚

監生 安徽安

劉方生

廩貢 獲嘉人

毛清荃

歲貢 滎澤人

韓殿甲

樂亭縣人

縣人 五年七月任

涇縣人 三年四月任

縣人 前於同治十年

縣人 前於同治十一年

七年七月任 十三年

李增祥

舉人 渾源人

五月到任

年八月任

五月復任

州人 十二年七月任

王紹堯

浙江歸安人

王其仁

監生 濟甯人

縣人 九年二月任

廖錫三

廩貢 睢州人

孫福霖

直隸宛平人

州人 十四年九月任

李品三

尉氏縣人

人 十四年十二月任

縣人 十三年三月任

鄭寶鏞

舉人 嘉興

金猷巽

秀水 浙江

十九年三月任

縣人十五年八月任

縣人十年八月任

張力堂

舉人 完縣

侯鼎臣

舉人 溫縣

呂泰開

舉人 林縣

茹恩霖

直隸 大興

人十八年八月任

王元鼎

直隸 宛平

十九年五月任

十五年九月任

十四年六月任

葉濟

舉人 仁和

縣人十年九月任

縣人二十年正月任

董思寬

進士 清苑

黎承憲

江蘇 淮安

縣人廿一年五月任

縣人十一年四月任

蔡常松

廩貢 考城

李汝梅

榮陽 縣人

彭嗣宣

甘肅 秦安

辛元忻 監生 天津

十七年五月交卸

縣人二月十日任

二十一年十二月任

縣人十一月六年任

縣人三月廿三日任

月復任

任

任

周雲 翰林院庶

沈麟 江蘇溧陽

吉士東阿縣人廿四日任

縣人十七年二月任

廿五年七月二日任

季永業 舉人 泗水縣人

張家鏞 拔貢 確山人

韓言颺 江蘇上元縣人

六月交卸廿四日任

謝恩熙 江蘇上海縣人

縣人二十二年九月任

縣人二十一年十二月任

縣人十七年正月任

復任

縣人十七年十月任

月任

胡金淦 監生 寶應

縣人廿五年二月任
葉世勳
直隸大興

魁聯
鑲藍旗人

縣人十九年九月任

趙廷翰
涿州人

縣人二
朱乃濟
祥符縣人

王廷桂
山東濟甯

二十六年七月任

十八年二月任

二十二年五月任

縣人十八年正月任

彭繼宣
甘肅秦安

臧漢臣
山東諸城

縣人廿七年正月任

縣人二十年六月任

廿四年四月交卸

於廿五年又

程之謙
安徽阜陽

縣人廿七年正月任

三月交卸

縣人廿七年正月任

熊天池
江蘇高郵

郭景唐
密縣人

任景周
舉人詳符

又於三年三月交

王蕪蘭
山東長清

州人二十年正月

十八年七月任

縣人二十年九月

卸又於五月復宣

縣人廿七年八月任

劉豫立

直隸大興

陳慶瀛

直隸易州

任

人廿八年七月任

人二十七年三月任

費鴻年

浙江慈谿

張懷金

商邱縣人

徐元善

歲貢確山

任

縣人廿九年九月任

曾殿元

江西南城

三十一年正月任

縣人二十七年正月任

年缺裁

費樹藩

江蘇陽湖

縣人二十八年三月任

沈慶椿

浙江嘉興

縣人三十一年七月任

任

縣人二十四年四月任

王鐫

陝西蒲城

任

統元年四月交卸宣

統二年八月復任又

於宣統三年二月交

卸三月回任民國元

縣人卅一
年三月任
沈家桂
浙江會稽人

邵
扶溝縣人

李鳳芝
武舉人

陳元慶
直隸大興人

傅繩志

直隸大興人

縣人廿九年六月廿九任

三月十一日任

縣人二十七年十二月

縣人廿五年三月廿五任

縣人卅二年七月任

十四年缺

月任

卅四年五月交卸宣

徐顧璜

江蘇元上人

統元年七月復任

縣人三十一年三月十日

曾鵬祥

湖南衡陽人

任

王

邵
廩貢扶溝人

王宣民

江蘇元上人

縣人卅四年五月任

馬朝清

直隸大興人

縣人三十四年五月十日

縣人三十三年三月十日

樊

庶

恩施縣人

縣人三十一年五月十日

任民國元年九月缺

宣統三年十二月任

常三省

杞縣人

張聯光

山東長山人

任

裁

國元年六月任

宋之琛

皋蘭縣人

任

縣人三月十四日任

姜名立

安徽懷甯人

縣人宣統元年四月任

民國元年十月任

杜常立

新鄉縣人

王進賢

山東樂陵人

縣人宣統三年十二月任

民國二年三月任

張浩源

豐潤縣人

牛順軒

山西永濟人

月任

張振鏞

奉天承德人

縣人宣統三年二月任

民國三年
五月任

縣人
元年四月
任民國二
年四月
缺
裁

任歷月餘
日交卸
至民國元
年
缺
裁

續表

縣知事

監獄員

警察長

劉

楷

陝西蒲城縣人自民國四年

九月任

王家鳳

河南原武縣人自民國四年

年七月任

范振鵬

直隸天津人係前清光緒

三十二年選充

劉昌宜

山西平定縣人自民國五年

三月任

郭傳琳

山東肥城縣人自民國六年

年八月任

郭紹唐

河南嵩縣人係前清光緒

三十三年接充

周世年

河南光山縣人係前清宣

統元年接充

談國政

楊僖超

山東無棣縣人
自民國六年二月任

月任

周正倫

山東阿縣人
自民國七年

年二月任

陳又新

河南偃師縣人
自民國元

年接充

張繼光

河南河陰縣人
自民國二

年接充

林裕燾

直隸京兆大興縣人
自民國七

年二月任

張向辰

河南鄆城縣人
自民國三

年接充

王邦傑

河南信陽縣人
自民國六

年接充

職官 宦績

謝應起字虞臣山東福山人己酉拔貢景山官學教習於光緒五年任宜陽縣事年已老矣廉慎清介人無敢干以私每坐堂皇聽訟辭輒溫語拊循反復推鞠務盡情實不輕用刑訊以故兩造多和平解釋子自山左來省父告歸旅費僅資五金家人少之搜索囊篋無有也公顧謂曰凡人能耐清苦則百事可做若姑以是歸露宿風餐抵家可已子遂行吏胥等知之餽金十數以餽躓追送之其清操絕俗類如此卒以虧空帑藏被議邑人痛之

張力堂字學愚直隸完縣人光緒十八年由舉人任宜陽知

縣以儉持躬強毅有執政肅而民不擾在任視學開課勸積倉穀務愛護士類節省民財陋規有當裁免者不惑於近習之言銳意行之尤人所稱頌不置云

葉濟字作舟浙江仁和人光緒二十年由舉人任宜陽知縣器量深沈規模宏遠人無從窺其涯際聽斷明允案無留牘尤善鉤奸發伏署內外弊竇胥清僚屬或不謹僕役等或倚勢作威福悉裁制之故人無敢以私請而豪強者爲之斂抑云洎任僅年餘遽調遷他往邑人思之現升任開封道尹

周雲字世臣山東東阿縣人翰林院庶吉士授宜陽縣知縣


光緒二十一年任明於聽斷勤於課士嘗購書籍多卷置書院中教諸生以明體達用爲實學進有材姿者必極意培植之至勢豪大族有涉訟者必據理行法絕不瞻徇情面故人恆畏而懷之

王鏞字伯鑾西蒲城人光緒三十一年由舉人任宜陽縣知縣嚴重有威蒞治清勤聽斷明決人不能欺亦莫敢欺時新政亟行百端待舉邑瘠而貧民多頑固於是乎在城設高等小校各鄉設初級小校以及傳習所巡警局處處需款籌辦維艱公令行禁止民樂輸將而並無煩擾故能綱舉目張人莫不服其廉幹又時講森林業行保甲法到

處廣栽種勤巡查條規凜然當斯時幾於路不拾遺夜不閉戶焉

張浩源字筱波直隸豐潤縣人由增廣生舉孝廉方正民國三年四月任知宜陽縣事甫下車黏楹聯語於堂上云使一文枉法錢幽有鬼神明有禁作半點虧心事遠在兒孫近在身既乃巡行鄉村視民疾苦遇老嫗之貧苦勤績紡者幼童之穎秀知誦讀者必撫而問之或資以給之煦煦然若家人父子之相親也素不善騎出且無車每踰越山險徒步輒往日行恆數十里不止民有爭訟時就田廬間判決之不以繫拘累民故民恆伺公出執牒求判有當罰

緩贖罪者無不體恤民隱酌量從減于定國爲廷尉民自以爲不冤有固然矣初涖任月餘日土匪郭廣山范懷金等乘鎮嵩軍移隊南勦乃糾黨衆潛擾於邑之西鄙石村一帶勢且熾公親督警隊招集鄉團四面兜勦遂殲郭范諸匪於崔家坡馮家嶺等處無得脫者當斯時非公奮往迅速稍延一二月則匪緝方張勢且不可復制居民以自公涖任地方靖謐爲之頌德歌功碑碣林立云



光緒

科貢表

進

士

舉

人

貢

生

白雲奇

六年歲貢

許士風

八年歲貢

侯綸

九年歲貢

陳廣鏞

十一年拔貢

侯丙奇

十一年歲貢

王鳳翔

十四年戊子中式選授

胡家麟

十四年歲貢

臨潁縣
訓導

喬桂林 十六年恩貢

尹東都 十六年歲貢

王海方 十九年歲貢

閔安邦 二十年歲貢

張敬熙 二十一年歲貢

趙金鑑 二十三年拔貢
戊戌朝考

二等四川候補知縣
歷任蓬州大邑灌縣

等處擢直隸州特賞
靖勇巴圖魯勇號花

翎二品銜雲南候補道試
署騰越鎮總兵權昭通鎮

楊永昭 二十四年歲貢

何景清 二十五年歲貢

趙英奎 二十六年歲貢

許登雲 二十七年歲貢

茹庭蘭 三十年歲貢

李政 三十二年歲貢

王克敬 三十四年歲貢

張麟閣

三十四年歲貢

陳廣韶

元年恩貢

何純熙

元年歲貢

陳星煥

元年拔貢現甘肅
候補縣知事

魏餘慶

元年拔貢現陝西
候補縣知事

趙殿臚

二年歲貢

武 科 第

張連同

光緒十八年壬辰會試中式

榜眼及第授四川永寧營叅將陞任副將

現熱河緝捕軍統帶

黃振川

光緒十一年乙酉科武舉

張連同


光緒十五年己丑科武舉

黃承烈

光緒九年癸巳科武舉

張治軍

光緒二十年甲午科武舉



封

贈選

舉遊

宦

王德備

節監生以子封奉

陸尚賢

舉宣統初年徵方

李壽昌

光緒年任陝西葭州知州

直大

湖北候補巡檢

安邊理事同知宜川沔縣鳳縣懷遠

張長泰

以孫連同貴誥贈武功將

任本縣公款局局長

徐鳳恩

光緒年任山東榮城巡檢

軍

張蘭堂

舉宣統初年徵方

胡紹寅

光緒年陝西候補縣丞

又於民國二年被選省議員

張之翰

光緒年陝西漢陰巡檢

張東銘

以子連同貴誥封武功將

賈濟川

北洋法律學堂畢業民國

樊錫周

光緒年任息縣教諭

軍

李殿祿

以任壽昌大貴
馳封奉政大夫

夫

趙士秀

以曾孫金鑑大貴
誥贈光祿大夫

趙清標

以孫金鑑大貴
贈光祿大夫

趙星吉

以子金鑑大貴
贈光祿大夫

二年被選國會參議院議員七年任

張式廉

光緒年任直隸交城典史

陝西關中道道尹兼辦全省交涉事

蔡文光

光緒年任山東阿河工

梁文淵

河南高等學堂畢業民國

主簿

二年被選國會衆議院議員六年任

牛會斗

光緒年任湖北省巡檢

熱河菸酒公賣局局長

郭光

宣統年陝西候補巡檢

崔毓楠

宣統元年省垣優級師範

馮建章

宣統年任山西河東鹽法

畢業任本縣勸學員長及洛陽蠶校

道長樂司巡廳

教員高等小學校長國民國七年被選省議會議員

王金銘

光緒年任陝西榆林府照磨

人物

鄉賢

馮奮庸字則中宜陽庠生也聞澠池張抱初與王惺所呂豫石諸先生會講正學書院乃詣澠從抱初先生遊時在天啟三年抱初既營綠野堂於澠東之馬嶺村則中携妻子居於堂後受學崇禎六年抱初卒則中復設科於正學書院諸生從學者衆自是遂家澠池崇禎末流賊至被擄不屈罵賊而死康熙間邑人呈請入祀鄉賢

文學

張如遠字訥齋澠渠人美髯有風儀人望儼然少好讀書博

通經史文章豪邁有奇氣長乃潛心程朱之學不樂仕進著述悉歸平淡晚年精岐黃業著有訥齋醫說行世河陝人士多從之遊其弟務遠字訥齋學行一如其兄學者稱之曰湧溪先生樹有神道碑

時乾隆三十年

周世德字慎齋道光壬午科舉人家貧酷嗜書制藝原本經術成一家言性廉介不苟取與邑令武林鮑公

名承

以名進士爲賢大夫極推重先生之文行云

黃彝字鼎如韓城人邑庠增生素嗜書恆究心性理之學聞有異編輒不憚勞費購覓於數百里外家中積案盈箱牙籤滿架大都先儒語錄等類最居多數品誼端慤實踐躬行著

有道五衍義自遣小集藏於家子修德字約齋素講理學有父風所讀遺書手自鈔錄孫錫齡字壽僊亦以儒行聞於鄉邑

楊价藩字維人廩生沈靜博學文章宏深古樸有先正風力與弟价屏俱邑知名士价屏字建堂熟於掌故以典瞻風雅著稱嘗於郡試著望嵩賦一篇甚爲當時所欣賞卒以歲貢終學者稱楊二先生

胡文斗字臥庵咸豐戊午科副貢性豪邁博學能文其應試制藝亦不規規於尋常格調云壬戌八月皖匪再至縣城岌岌臥庵拊循鄉衆誓共死守卒以保全無害人謂是其曠逸

之才有鎮靜之局量焉

王鳳山字元雛韓城人以廩貢生試用訓導儀容軒爽博極羣書於經尤邃於易當時知名士皆樂與交遊同邑張推庵胡臥庵翟仲文諸先生更相契重云

李賡載字乃歌止一里鐵爐村人邑庠生設教授徒究心程朱之學講貫精勤居恆莊嚴自持館舍中終日端坐未嘗少欵既歿門人私謚曰文敬先生

楊丙炎字季昭楊店人博學嗜古性行端嚴與同里周石倉交最善卒以歲貢生終學者私謚曰文靜先生猶子永昭字子明亦歲貢生讀書外無他務人並稱之

周酉山字石倉周村人由廩貢生選授靈寶縣教諭制行端謹勤於訓迪諸生頌以匾額曰學道愛人既丁艱回籍值歲大饑出粟三十餘石煮粥以食餓者辛巳之歲嘗與纂修縣志子朝元精於醫學猶子春元英元皆以優廩生知名當時陳一經字貫九同治甲子科舉人幼嗜書不嬉戲長肄舉業淹貫經史既受業於張推庵先生之門學益精進領鄉薦後一赴禮部試公車不再北上爲親老病故也丁艱服闋官親蔡縣教諭以廉謹著稱

尹應三字聘侯止二里半嶺人歲貢生賦性溫和持行恭謹未嘗有疾言遽色教授生徒不自矜飾而自有法度可循故

成就者衆子東都亦歲貢生孫德邵邑庠生

季鳳翔字儀庭恩貢生儀容清粹品行端方居城內西街讀書授徒外絕不干預他事於縣署公門未嘗輕投一刺門下多知名士咸欽其師範云

張熙暉字春如推庵先生長子中同治丁卯科舉人夙懷庭訓鄉薦後猶執經侍講席唯嚴唯謹推庵旣沒諸生從學者卽以所事夫子事之轉以大挑一等就職任中牟縣訓導主講景恭書院年餘歸侍母疾復設教家塾諸生學焉而登賢書躋顯仕著績邊徼者趙金鑑楊思溫諸人皆其門下也弟熙阜字虞琴聰慧善悟強毅有爲少時博覽羣書談經說史

鋒發韻流作爲文章頃刻間萬言立就同治甲子鄉試列副榜踰年而卒士論惜之

郭雲會字際泰韓城人邑增廣生居恆恂恂自持貌似樸訥而識解明通言必當理生平顧惜名義家綦貧絲毫不以累人瓜李之嫌跬步必嚴其學行有足多者

苗聘三泊頭村人家貧苦讀廉隅自重既入邑庠克端師範人有聘之教讀者禮貌或衰輒毅然決去束脯之厚薄所弗計也晚年貧不自給門下生恆釀金餽之爲無能忘其教澤云

呂從周尋村人邑庠生幼嗜書家貧苦無燈燭輒如隨月囊

螢故事嘗於冬月就門前土地祠中燈下讀

鄉俗於臘月每晚燃燈置祠中過燈節乃止謂

之年

寒凍甚肌粟齒擊弗輟也家人遣赴市購米猶行吟坐

誦聲琅琅然其篤學如此

許士風字春軒魚泉莊人恩貢生性坦易無城府好談談諧野叟村豎皆樂與親近而其教授生徒嚴正有法文章沈實樸茂雅重當時晚年選授教諭未赴任而卒

王冠山字酉峯鎖家營人同治癸酉科舉人天性純摯專攻義理之學著有讀易隨筆五經精義補藏於家生平敦品勵行闡明禮故事親孝於諸昆季友愛尤篤士林咸推重之其從兄誠字至堂篤志好學至老不倦教授生徒多所成就既

沒趙金鑑爲之銘其墓

王退山邑庠生亦西峯之從兄也本名諾以字行富於文學性坦率不立崖岸與張推庵交最善嘗贈以詩有云常思眞率能匡我不惜闊疎竟誤公漫託烟霞逃世外幸無冰炭在胸中此可以知其梗概矣

馬永瑞字信甫東高美人監生幼失怙兄又早喪以孝奉母色養倍至寡嫂尤以敬謹聞於鄉里好讀書究心小學近思錄諸書經史子集無弗博覽生平篤睦嫻任卹之誼人咸欽其學行焉

梁鳳城字子丹馬朝溝人邑廩生篤學博通經史又好讀奇

書兼明醫術嘗於市肆購得梅氏叢書理數精蘊等編殫思極慮得解益精遂以教其家塾故當時算學梁氏稱最盛焉弟鳳誥字紫章亦邑廩生沈摯寡言勵學如兄日與兄以算學相切劘又得近人代數諸書悉心研究至忘寢食復就正於常熟言笠圃先生蓋最精於算術者由是益得以剖析腠理窮幽通變以底於成著有天文曆法元代各算稿若干卷未付梓而卒時論惜之

程之屏字藩卿郭四人邑庠生簡默沈摯不苟取予幼貧嗜學精韻學通六書尤工篆隸所著有四書訓蒙辨訛十三經正字彙解督學邵爲撰弁言付梓行世又工印章既歿存有

稿本博古之士甚加賞識云

武略

王邦傑字芸舫柴沟里柿溝人少勇健有志從戎於咸豐八年投効江南選鋒營征勦丹陽等處同治元年積功以把總用繼又投効寧夏將軍金順營攻克肅州蘇家坊等處累進花翎遊擊十三年大軍出關又以軍功授參將加副將銜賞勁勇巴圖魯勇號光緒二年以省親還鄉家居恂恂以耕讀自娛晚年尤善書法光緒十六年奉檄以副將調赴黑龍江襄辦軍務因病告歸抵家數月卒

治理

王筠節字貞庵號竹溪道光庚子進士授儀徵令署知寶應
縣事己酉科江南同考試官初赴闈有以重金求超薦者公
峻拒之寶應舊有河渠壅塞久公諭紳民疏鑿之勢豪某弗
便也亟阻撓之不得乃屬公之門下某生爲之關說以危言
怵公公曰當官而行民命至重吾以治民事耳他非所計也
卒如令民大悅既又改官湖北歷任巴東崇陽知縣戊午科
復同考試值粵匪之亂軍事方亟乃奉檄督辦樅陽糧臺卒
於差所

高照奎字星吉東塔泥人咸豐初年由監生授湖南瀘溪知
縣署理新化縣事舊俗民間遭喪事報官後方行殯葬陋規

以貧富論贄百金五十金不等故停柩者纍纍公至卽出示
勸葬豁除積弊哀感四起轉署桂陽值大水田無禾卽開倉
施賑紳吏皆以爲宜先申請上憲弗聽既而上官聞之亦弗
之責也當斯時水患未平他穀無可布種惟蕎麥相宜而桂
陽民未知有是也公遣家人旋鄉里市其種教之樹藝既熟
民且不知食法復招民婦入署令家人教導之因以度荒民
乃不至大窘轉署壽縣以病告歸卒於家

李殿爵字光陞高橋人初由監生任湖北江陵縣龍灣鎮巡
檢陞縣丞以軍功授陝西藍屋縣知縣署理定邊縣事調署
宜川知縣歷任政聲卓著同治初年陝甘亂寇陷定邊上官

檄公再往撫治之甫至賊又大股來撲城公激勵士民晝夜
嚴守以方略卻賊退邑民爲立生祠光緒三年秦豫大饑公
駐渭南督辦賑務亟使子壽昌還鄉里籌濟全活者衆而李
氏一族無餓者人以是德之

孝友

暴成松泊二里煤窰回人少失怙母苦節撫松旣成立母老
且病爲之温衾枕待湯藥牀頭蹠蹠之役必躬親不假妻子
母歿旣葬猶依依不能舍廬居墓側無間風雨每飯必祭每
祭必泣如是者年餘忽有土匪夜至廬所意尋松爲拉票勒
贖計

近年七匪橫行劫
人勒贖謂之拉票

觀其狀詢其情乃相誠曰此孝子也

吾不可以犯之遂捨之去松於後逾二年卒於墓廬時人哀之

白苗高橋人母早亡家綦貧父鰥居苗事之謹恆傭作以供甘旨每晚自田歸必市父所嗜者以備晨夕之餐夜宿父側吸菸則燃火啜水則奉茶應聲而至無間寒暑一日父乘涼村外天將雨雷電作急持繖往父方酣睡張繖蔽之父覺問胡不喚我則曰恐驚父夢耳其曲意體親類如此遐邇稱之曰白孝子

何天樂受安里董坡人事親孝尤敦友于有弟四人撫之若保嬰兒每飲食之教誨之輒作俚歌共歡笑父嘗患疽弟天

祿與之共侍湯藥爭吮膿血怡如也家人亦競以禮讓相尙大小至百餘口無詬誶聲遇盛饌異味長幼推讓再三無敢先嘗者次弟天福以質直著聲里人孫某無地葬親福慨割已田予之孫酬以錢辭不獲已取一文而去人謂其孝義萃於一門云

張心銘字少渠韓城人以援例爲貢生少失恃事繼母謹繼母生少弟愛撫之與作嬉戲狀若嬰兒然父母顧而責之弗輟蓋以娛親喜也父卒哀毀幾至滅性母以節勸之乃稍稍營家計俾弟入塾愛護彌切母歿銘年亦瀕老矣猶哭踊作孺子慕焉

魏書典字貫五閑和里黑子溝人天性孝友父不食羊肉畢
生戒之九歲失恃繼母王氏嚴而典能以悅親爲務親偶不
懌則必邀諸兄使引己捧杖跪請答親悅始起如是者率以
爲常有弟四人皆繼母出析爨後猶時出己資爲之謀娶授
室焉

王鼎雲泊二里劉莊人三歲喪母父撫之成立至年二十六
歲時光緒三年也生一子方二歲父年六旬餘而家斷炊餓
瀕死父謂鼎雲曰吾老矣不足惜汝亟携妻子逃活去鼎雲
泣不可乃疆負父同逃中途遣妻去越日行益艱復棄子不
顧負父東至穎亳間爲人傭工以給養次年歸仍藉傭養父

而時以父自炊爲憾嗟歎無已時傭主某家嘉其孝之篤也以女妻之遂有子且生孫其父始歿年已九十六歲云

彭振之汪泮村人母周氏生三子偏愛少者於長次恆迂視之家固貧窘振之念母食之不飽也在外具甘旨倩鄰人送至家屬之以託辭告母曰此第三所具也母喜乃食母與鄰嫗口角爭詬詈振之輒詣鄰謝罪鄰母念之弗與其母校也母病惡聞鈺鼓聲每社人賽會振之逢人叩頭哀乞毋作社人爲之息止母沒哭奠哀感行路人謂其出之樸誠乃至孝云

王連三彭溝人少事繼母謹服勞奉養朝夕不倦每自外歸

不入私室必先詣母所問視良久母命之去乃出母偶不憚
輒繞膝呼阿母聲悲慕如嬰兒母意釋然乃喜繼母生三子
後各析炊已獨同母居或問汝繼母依誰處乃懔然曰吾依
吾母居耳其人歎服

劉之屏泊二里劉莊人事繼母極孝光緒二十六年大饑兄
弟析爨已獨竭力奉親甘旨無缺母病求醫藥禱神祠奔走
號呼哀切動人或告以商水縣有藥酒可療母疾亟往取之
母尋愈于後母以壽終經營喪葬務從厚皆出已資不以責
諸弟也

王諒鎖家營人早歲失恃遭兩繼母事之皆以孝謹聞始繼

母谷氏再繼母崔氏各生二子自少至長友愛甚篤鄉鄰稱之鎖營王氏詩書族人多俊秀有王詩者諒昆弟行也善鍼法嘗繪圖爲之說居家亦以孝友聞

周安民柴均里張溝人早喪母父繼室侍養惟勤父既沒事之益謹始終無間人稱其孝

栗恆受安里栗封村人生三月而喪父稍長卽躬操井臼以代母勞農暇則肩果販賣以供養母之資務盡安飽母善怒動加杖責或受或走迄無犯顏鄰村賽會輒背負母往觀盡娛然後歸母病瘧扶持四閱月無惰容及母終葬祭盡哀每飯必奠出告反面如母存時年近七旬或談及母事猶隕涕

不已云

張應午字卓亭東隴保人廩生少父喪事母謹母嘗病醫藥罔效雪夜中長跪祝天願損己年以延母壽每香燼一炷方已如是者十數夜母病尋愈光緒丁丑歲大饑日斷炊族人張之奇貸以錢數串惟買麪以供母已則取榆屑雜糠覈啗之母沒夜夢長哭者數年未已云

陳桂林五樹村人善事親父母皆享壽八十餘歲平日溫衾扇枕奉盤進食以及湯藥之侍皆躬自爲之非有事故雖妻子不以貸已也其事兄盡愛敬一如事父兄好施予歲終鄰里有告困乏者輒先意承志嘗典衣給與之有五子皆才孫

鳳鳴入邑庠

徐文明龍二里彭溝人家素貧鬻薪度日腹饑恆不一飽然以母故每歸必市甘旨晨起入山採樵終日懷煑餅二僅食其一餓則掘山芋生啖之猶留其一以遺母也母病侍湯藥滌污穢歷十數年如一日人咸稱爲徐孝子

閔燿焜宋店人邑庠生素樸訥而恭謹善事兄年已垂老雖家庭燕處間常拱侍兄側不謂之坐不敢坐不問不敢對也兄亦雅相友愛擬之季方云設教家塾從學者衆其師範有足欽者

朱鳳鳴柳泉人朱齊家之長子承伯氏振家嗣父病癱換晨

夕侍養不離左右妻周氏亦孝婉善事姑于歸後姑亦病如翁狀氏移居姑室姑稍移動必親扶持未嘗有倦意有怨色姑病三年翁病七年夫婦奉之始終如一鄉里稱之以爲久而彌篤云

李士舉王眷村人早喪父事母孝家貧不能供甘旨乃習染工度生活得資悉以奉母泊母沒廬墓三年月夕風晨雨雪寒凍未嘗間也

張允德字執中官三里元村人天性純篤善處鄉里樂勸人以爲善其宗族戚鄰多化之嘗待父母疾衣不解帶者累數月人咸以孝謹稱之

劉景星字月如城中街人事父以孝聞皖匪之亂宜城陷景星扶父避難去賊追之父顧謂景星曰事急矣吾艱於步寧俱死汝宜速行促之再三終不忍無何賊至揮刃斫父景星以身覆之請代受刃釋吾父賊斫景星背仆之地欲再斫之旁賊曰此孝子也甚毋傷乃捨之去父子獲全劉景魁字元臣景星之從弟也同懷昆季八人攻文肄武咸負時譽景魁性淳謹樸素自安尤以孝行聞於鄉里

梁鳳兆字庭梧咸豐辛酉科拔貢美丰姿能文章與鄉人處爽直和樂不立崖岸而其家庭友愛尤爲遐邇所稱頌婦孺皆知有馬朝溝梁先生焉

曹天一城東鐵爐村人嘗侍母疾百藥不效夜夢人告之曰汝母非人肉不能療也既醒遂割左肱烹以進母病果愈人謂天一篤於孝其素行亦端謹足重云

李重城東后莊人父早喪家綦貧母苦節撫育之既長無以贍養母且老又不忍遠離乃傭工於本村富室每飯必歸視母冬月則爲母溫衾數十年常如一日焉

劉岡泊二里劉莊人早喪父母其祖母撫養之既長竭力耕田以供孝養祖母嘗患病思肉食沽市良艱因設香案祝天已乃割股肉烹而進之又有石如意者水溝廟人事母極孝母病篤聞人言食人肉當痊遂割臂肉和湯以進之數人者

其孝行蓋根諸至性云

義行

李中科字星五三鄉人道光九年捐田五十餘畝入連昌義塾爲膏火之資約值千餘金縣令鮑公刊石旌之曰義流奕禩先是乾隆四十一年有李瑞林者嘗捐田五十餘畝入義塾又修學院一所共值八百餘金縣令陳公已獎給匾額曰爲善最樂中科其曾孫也復承先志故鮑公旌之以此並楹聯語云善積斯彰徵諸祖孫父子惠美有孚及於術序黨庠鄧樂舜白楊鎮人廉介不苟取與咸豐初年有太原人王某開設駝廠以債累亡去樂舜爲司會計乃鬻己田代償重債

仍其舊業經理之數年後贏金千餘函招王某至悉數繳納
王某以半酬之辭不受曰外債清結矣吾田贖復矣餘金君
之金也敢妄取耶同治壬戌皖匪至有駝商某寄銀四百餘
兩投而藏諸井後商某來出而歸之

聶文元上一里王嶺人年四十餘無子百金買妾入門婦悲
咽不已詢其故爲不忍離舊姑也聶心惻然卽夕使居母室
明日送之歸謂之曰留金以養汝姑無索還也于後嫡室生
子有良孫枝林立家以日裕

徐九成彭溝人與弟九圍相友愛好施濟多義舉張塢村南
山路險峻車行迂且艱九成與弟謀買山鑿道遂成坦途女

凡山之旁溪水足資灌溉督衆開渠人賴其利三鄉南臨洛水沿岸居民赴市者如蟻渡船壞恆病涉乃採木於山備具舟楫每歲暮窮乏者至門則出積粟賑之兄操槪弟運囊量其人之足以濟否給予糜遺光緒丁丑歲大饑煮粥道旁食餓者或斃於野則躬督舂舂掩其齒骼日費巨金不少靳惜蓋其任恤之行根於孝友云

梁心鏡字虛堂馬朝溝人少孤事母孝於戚屬尤篤恩誼皖匪之亂妻兄之子林德慶與己長子鳳城俱被擄治裝往贖以歸並贖還他姓子數人德慶弱且貧有祖母席氏老而病不能贍養虛堂恆周給之復爲之置產授室焉其他戚屬若

劉樸官李天綱胡敬先母子等均於丁丑之歲蒙賑恤以度凶年于後共頌以匾額曰翳桑飽德

陳登彥字邦俊曲村人性慈祥樂施濟比鄰趙氏婦孀居孤貧誓不他適戚族難之邦俊曰是志之不可奪者常以米粟賙給之婦節以全族衆有欲鬻祖塋柏樹以置祭田者邦俊曰前人植此當有深意斬之恐無以妥先靈乃割己腴田輸之鬻樹之議遂罷時人以爲知義

布經正河下村人邑庠生嘗於嘉慶十八年及道光二十七年出粟賑饑其爲人端方正直沒世後人常稱之族人布叔度字伯友亦嘗於道光丁未施賑濟至光緒三年又出粟救

荒倉廩竭矣復貸錢糴糧以接濟之迹其生平讀書教學以力行爲要故於義舉至老不怠云

楚耀南字午亭尋村人歲貢生博聞強識有批點四書考據一部學者珍之善事繼母以孝謹聞光緒丁丑大饑有樊姓子携銀出賣乃其家將以之糴糧餬口竊藏以私者也午亭之長孫以賤值得之午亭知之立責使返諸樊姓其尙義恤鄰如此

何鳳梧白楊鎮人素敦任卹之誼里人許林於光緒三年全家病疫醫藥罔措瀕殆矣鳳梧以錢粟濟之許請以田畝作償固辭不已令售之他人以自給旣而許又困乏仍資濟之

鄉鄰爲樹匾額旌其義

彭際午字耀南汪汴村人少營商業久之稱富有邑西官其
築寨貲絀借錢千餘串始竣工耀南往視之乃取券對衆焚
燬曰是無庸復言償也又視其義塾田租薄割己產增益之
約值五百餘金澗池鄰縣舊所經商處也捐錢八百餘串存
儲禮房生息作童試卷資官莊澗池皆爲之豎碑以志子烱
光字煥堂由廩生徵取孝廉方正歷任羅山臨潁新鄉光山
縣教職所至咸著聲譽

崔景德字潤齋西城里安溝人素業農少有儲蓄值歲大饑
盡出以分賙鄉里同村張某餓且病幾殆給之粥月餘日病

起意行貿易復資助遺之張以是感恩奉之謹其卒也爲之服喪若子僅然從子應銓字衡堂邑庠增生天性純樸博學能文縣設學堂聘作高校教習實心任事諸生成敬重之

薛天性藕池人家極貧以傭作賣飯度日日不知書恆檢拾字紙洗滌污穢曝乾而焚化之唯勤唯謹遇枯骨遺骼輒掘坎掩埋之道路中泥淖石礪之屬凡不便於行者必躬親從速修治之在市見人遺物必呼告之不及則守以待其人之尋至也其篤於善行類如此

張來富字潤生程塢人耕讀自娛尤喜種樹里中森林之業皆所提倡家僅中貲歲值大饑戚族就食者以十餘計雖竭

蹶無怨色田不布種耕牛悉鬻以贍養有僱工三人求去潤生不可曰去將誰依寧不作餓殍耶姑同此饜粗糲不亦可乎其性行慈厚如此

楊光山字雪樵楊店人監生素剛直樂施予光緒六年冬有山東飢民百餘口來住村廟中值大風雪數日不能出乃出粟四石兼柴薪濟之

郭崇德字利用白楊鎮人鎮南二里許有荒塚三四所絕無嗣者也父在日每春月必致奠於此利用踵而行之歲以爲常無少倦嘗指以告諸子曰此先人志不可以莫之繼也慎無忘人以此爲孝義兼致云

王鳳來字儀亭韓城人寡言笑重然諾素業鹺商而毫無市氣有張忠者孟縣人以販運將赴陝行至硤石而病臥旅店中資已罄病且革謂主人曰王儀亭吾友也請函召之來當卹我而實則非有素也或勸阻之毋往儀亭曰素不相識而託人求我謂我能任卹也棄之不義遂行至則其人已死乃爲之買棺殮而葬之

李清海閑和里白土坡人生平廉潔自持臨財不苟嘗於石廟東拾白金五十兩遂書招帖以待覓者越數日新安張村游某至原數還之

劉鎮字容菴止二里桑園人少嗜書多材藝精於風鑑禮聘

者接踵至未嘗以勞瘁辭亦並不索謝意主於予人善地而
勗人以爲善獲福嘗語之曰是術也吉否按法云爾究之在
人不在地君等勉之而已其持正匡俗類如此

趙光裕字餘庭黃埭人績學不遇乃設教家塾慤懇以誘掖
後進爲務遇子弟之穎秀而貧不能就學者力勸勉之且資
給之門下如趙金鑑以拔貢歷任牧令著績滇蜀諸行省其
發軔伊始特蒙扶掖云

董玉堂字瑛庭北二里周過村人附貢生爲人溫厚有度操
行不苟子孫皆教之讀書敦行孝悌治家以讓爲心法三世
同居內外四十餘口毫無間言居鄉排難解紛人咸折服光

緒丁丑歲大饑戚黨蒙其周恤全活者十餘家

張殿甲字鼎三東趙保人廩貢生孝事世父恩撫諸弟治家嚴整有法肅而能寬五世一堂家人皆相敬如賓同治初年遭寇亂督工修泰光緒三年值歲饑籌畫賑濟皆不遺餘力鄉人多嘉賴焉

王昌運沙磨村人溫厚長者樂善好施鄉鄰林姓某家人十餘口值歲大饑無以贍養成餓瀕斃矣昌運出粟賑之得全活後林某思以房院報償之固不受

田秉秋字子諭監生鹽坡頭人好讀書嘗教生徒與之講說經義不問脩脯生平周濟貧乏黽勉公益歷三十餘年捐貲

無算且與人無爭里人以厚德重望稱之

張鳳林字茂齋馬趙營人天性孝友事兄最謹析爨後兄失業食指爲累林時以錢粟補助之不令兄憂困乏也值歲饑恆賙恤鄉鄰全活者衆

田修和柳泉人好讀書力學家貧朝夕恆不給鄰有富室憐而饋之粟固不受曰窮吾命也寧以常餐累人士論以廉介稱之

苗折桂字步蟾城東苗馬村人少失恃讀詩至蓼莪篇輒涕泣廢食時人以王裒目之既入邑庠食廩餼勵勤敏多義舉

修岩禦盜

村東有天仙寨弱冠時組織鄰村爲之

勸賑濟饑

事在光緒三年又躬督團

練捍衛鄉閭

辛亥庚子閩土匪肆擾得以無患

縣學以一鄉保障旌之晚年

以歲貢家居集村衆爲安樂社約以鄉規朔望爲衆演說諭以孝友睦婣之誼有不率教者罰酒三杯人皆悅服歿之日婦孺咸哀感云

董士林高橋人邑庠生家庭孝友性行剛方嘗設帳教讀嫉村塾俗儒之責問脩金而不力學也倡衆建立義塾招鄉鄰穎秀之子弟督課之門人頌之曰令德堪師

王文田宋店人素業儒有文名好善樂施村西南銀河通東西大道屢冬無橋人恆病涉乃捐田十數畝歲取其租爲修橋費稱利賴焉

何彰祥白楊鎮人家資小康於光緒三年竭力出粟六十餘石以事賑濟人皆義之

王海柴均里張溝人宅心忠厚制行謹嚴光緒三年餓殍遍野苦無葬地乃施田一段爲義墳悉掩埋之

孫青山閑和里郭家坪人性慈祥樂施予嘗出粟賑濟族鄰石廟嶺施茶瑞雲砦興工皆捐有地畝以資其費

張鳳瑞字輯五程塢村人少好讀書尙節儉重廉恥不襲取爲詞章之學數應郡試不售而襟懷淡定益以黜華崇實爲務泊乎科貢罷學堂興爲鄉里創辦學校首先令子侄登堂授課提倡不遺餘力又嘗以森林實業爲鄉里勸蓋其生平

清苦自持敦行孝友睦婣任卹之誼有足以繫人思者

梁鳳起字丹崖馬朝溝人由廩貢生銓選訓導賦質聰敏博聞多識性彊直處世務不瞻徇情面里人舉爲警務長嚴立鄉規保安耕鑿遇紛爭力爲排解人咸折服其從兄鳳郊字麟皆亦邑諸生又每事相與匡輔兄弟皆著望鄉閭而麟皆又嘗爲協濟新安兵差事偕邑人陳萬成等赴撫轅申理云李傑字漢三北二里人貌樸訥而性沈毅勇敢有爲嘉慶初年邑人於完納國課外例有加賦名曰小糧于後上憲申令蠲除爲吏胥所把持徵收嘗倍於正供之數邑人苦之傑奮不顧身率衆籲控得直豁免

定以每糧銀壹兩加耗四錢五分永遠爲例而傑以

聚衆獲罪瘐於獄邑人哀之爲之立碑以詔來茲事在道光
中年

趙永奇字正齋窪裏村人幼孤母程氏以節孝旌正齋生而
偉岸有志略居鄉以勇義聞咸豐七年粵匪之黨由山南竄
人宜境縣令李公期與共擊賊追及於永寧之楊坎殲其魁
同治初率村衆避捻匪於山峪中賊噪而前正齋戒衆勿動
整列以待賊不敢偪旋退九年邑無賴子羣聚雲蓋寺衆至
數百人官軍蹙之阻於山引與正齋謀靖其亂上官嘉之將
薦舉以母老辭遂家居終老焉

盧恆魁北二里人近村往來車路阻於谿澗險峻可危恆魁

獨力建築石梁旁修石磴如兩箕形以通水道費千餘金行者便之事在同治四年

苗三樂字慶餘泊二里苗村人少業儒長服賈有贏餘積而能散守錢虜所不屑也嘗於冬月風雪中躬詣古廟查訪乞丐撫卹之歲以爲常云

趙作霖柳泉人精於醫術而體恤貧家意倍懇至嘗謂藥苟對症三五味可療如方開多品或物珍而價昂非貧人所能堪也其慈祥如此

陳青林五樹村人同治元年三月以鄉團禦擒匪已被擒猶奮臂擊賊賊怒支解之至死罵不絕口父文泰亦遇害賊並

其廬焚之

梁鳳岐馬朝溝人性剛勇與人戇直無私阿有古任俠風突
遇擒匪於三鄉賊脅之降乃瞋目大呼曰吾梁某寧從逆耶
賊怒摔之地復大罵遂遇害

楊庭拔段村人素有膽略勇於赴義同治初年鄉里團練舉
爲村長督理其事三月擒匪至率衆禦之一戰而賊披靡旣
乃賊衆大至被擒罵賊極口賊支解之

趙星吉字樸齋黃埭人好讀書家故貧授徒猶不給清耿孤
介義有未慊纖芥無所取光緒丁丑大饑剝榆皮掘草根啖
之旣則取柿柳木棉葉糠覈中無戚容里有販婦者持錢

乞書券揮之去曰毋污我已入內嘆曰餓死命耳吾其有遺行耶彼胡爲來者因泣下卒以困終

蔡克敬白楊鎮人先貧後富多行義舉一切賑荒濟急之務數十年未嘗少倦嵩縣有黃氏女旣適某姓子有年矣夫家奇貧無以餬口將令改適圖存活克敬聞之急往勸阻出錢粟濟之夫婦賴以保全

黃瀛源號墨泉城中後街人素豪爽樂施濟族親姻黨間有老弱困乏疾病不能自療婚喪不能自舉者無弗竭力以助武生黃建選子身而承雙嗣者也屬墨泉從弟子幼值歲饑窮餓瀕殆墨泉招之來撫恤懇至旣長授室生子宗祧賴以

不絕又好誘掖後進遇子弟之穎秀能讀書者爲之置精舍
延名師相與講誦薪水膏火悉以資之戚屬若干鴻章張星
辰趙文光族誼若黃河漣國瑞國棟諸生成蒙培植至於人
有急難匍匐營救或需巨款輒代爲之輸納不少靳惜焉迹
其生平開採煤礦獲利金以數萬計盡情揮霍卒以屢空終
老可概見其輕財之誼已

張務學字敏齋韓城人邑庠生素慕郭解之爲人好排難解
紛鄉鄰有爭訟爲之圖謀不遺餘力光緒三十一年以協濟
新安兵差事人情洶洶弗能堪闔邑思籲控上台然事體重
大無敢任者敏齋毅然甘冒險難糾衆積貲屬陳萬成任上

選梁鳳郊周愛棠李泮藻等赴省垣申理事得解邑紳馬毓
騷爲之敘其事以志詳見藝文

胡鼎三字捷臣城中街人性慷爽善事兄旣以開採煤礦致
富力行善事光緒三十一年於舊錦屏書院西獨修學堂一
所勸學所門樓暨兩廂房皆所建置費錢約二千餘串生平
救人之急赴人之難力所能爲務竭蹶以蕝厥事沒世後人
猶有稱述之者

樊鑑字同芳城中街人監生崇尚詩書修飾名行處家庭以
孝友稱同治壬戌捻匪至城陷被擄賊擁之行罵曰吾樊某
可殺不可辱鼠輩何無禮耶賊揮刃斫之極口罵而死于超

拔素亦孝謹父在日爲卜兆域購地一區究不之用也後有張姓欲以重值易之超拔弗許曰先父有遺命焉奈何棄之多錢何爲其篤守如此

王玉華甘棠寨人邑庠生同治初躬督鄉團禦捻匪於楊村賊大至勢不敵督戰益厲旣被擒猶憤罵不已賊乃分裂其屍團衆無得免者

蔡桂堂字芳五白楊鎮人民國二年冬鄉立守望社躬督練勇勦捕土匪所至務傾其巢穴匪徒深嫉之三年秋八月悉衆破白楊砦其弟紹堂懼兄與匪巷戰之獨力難支也出死力護之且前且卻退出寨外復遇匪衆乃俱被戕其兄玉堂

夫婦亦皆遇害

孔廣業陳宅人民國元年爲孫順里守望社長躬執槍械逐
勦土匪因受重傷與鄉民柳須魏鳳德俱死

紳耆

張東銘字紹渠城中街人家世豪族而淡泊自甘樂行善事謙抑儉約終其身恂恂若儒生然素肄武嫻騎射以之誨人至老不倦享壽八十餘歲子連捷連茹皆武舉榜其門曰兄弟五魁季子連同光緒庚辰科榜眼及第孫治軍亦甲午科武舉一門稱極盛云

王筠修字虛齋韓城人邑庠增生早歲失怙事諸世父謹於昆季友愛尤篤道光丁未家人謀析炊乃泣走弗與聞凡田產什物人所不取者始歸己未嘗較肥瘠爭美惡也同治初年督衆築寨以勞瘁致疾幾殆者再徵資累巨萬出入掌握

無毫釐私生平質直而溫厚人有過反覆譬喻似不能容至人或犯已夷然弗與較也晚年以詩自娛著一卷曰消遣集享壽八十二歲

晉錫爵字笏卿閑和里劉溝人風度凝重品行端方精醫術好施予鄉族蒙其周卹婦孺皆追誦之不置邑人表其門曰品術兼優享壽八十九歲

于輔正官二里丁溝人居家有陳競風男耕女織大小百餘口各有職業日用所需一切醫藥婚嫁喪葬之資以及金石土木之工力皆子弟輩自爲之不購於外家人常需各有度數內外整肅無間言一門和睦五世同堂道光二十八年嘗

出粟賑饑計貲四十餘石平日周卹窮困尤遐邇所稱頌享
壽八十九歲而終葬之日有乞丐數百人頌以匾額曰廣廈
庇寒子平德平昌平邦依父教爲家法亦嘗於光緒三年出
粟五十餘石賑饑壽皆七十餘歲

李發科字軒舉韓城人好讀書能強識志趣高尚不慕榮利
精醫術兵燹後癘疫作夙夜診治活人無筭性直諒耿介不
辭勞不索謝晚年有自省垣暨河朔來聘者餽遺悉屏絕之
暇則與人談書史說文藝雜以談諧娓娓不倦人無少長咸
景慕而樂就之享壽八十三歲而終

王諤字士一鎖管人家肄詩書敦行禮讓講嫺睦每家祭日

輒身先族子弟教以必恭必肅無敢戲渝舉人冠山其胞弟也友愛最篤至老怡怡一堂恆相敬重云享壽八十四歲其從兄王讓邑諸生壽七十餘歲有志行素以信義聞於鄉里嘗以差徭之繁與衆協約均其勞役申明鄉井友助之義衆咸服從云

谷調元字贊卿楊店人天性孝友品誼端方精於醫術凡鰥寡孤獨之人所施治者率不計藥資鄉人德之其於貧苦尤加意體卹焉享壽八十二歲

胡永華字含章本山西靈石人懋遷來宜居尋村遂家焉好讀書延師教子每晨必詣館舍遣僮問起居然後經理已務

歲以爲常無間寒暑家非素封而好施濟務周卹遇人有急難赴救之不遺餘力捻匪之亂被擄者逃歸道經尋村輒貲給送之享壽七十八歲子燠鼎邑庠生爲人樸實溫厚亦爲人望所歸云

朱振家柳泉人性慈祥好施濟里人築寨捐田四十畝以爲基址有李延者貧無儻居處乃以己宅院一所予之不索值享壽八十四歲

何英俊字超亭布家埕人家世讀書一門孝友以義方爲訓弟英選子敬堂姪純熙鑑堂孫金甌皆蜚聲庠序爲邑名士享壽八十二歲

聶士文油坊頭村人素以勤儉立業厚於待人見鄉鄰子弟之能讀書者愛護誘掖之於邑之知名士尤敬禮懇至享壽九十餘歲

李仲科流渠村人素業農至老力耕如壯時質樸儉約終其身於物無嗜與人無爭也享壽一百又二歲

董長敬字丹銘鐵藻溝人父病足侍之不離左右教讀家塾二十餘年絕不干預外事享壽八十六歲

劉廷銘泊二里劉莊人素習醫術敦儒行賣藥不甚計值藥債不歸償者亦不追討享壽九十三歲

白體清西石村人監生天懷樂易至老強健如壯年善醫術

遠近診視未嘗以勞瘁辭享壽九十六歲

楚心恆字煦如尋村人少事繼母以孝聞生平持躬謹厚樂行善事現年九十三歲猶諄諄命其孫淵溥淵博等建學堂以培植後進設粥廠以施濟窮氓云

趙汝廉字介泉韓城人咸豐初年縣尹徐以慷慨捐輸稟請奏獎授直隸州同職銜生平謹信而質樸好書史恆於田廬中披覽不已或負田租不急追償有乞貸者輒厚與之家人或議其濫則曰彼亦人耳寧無故而虧我耶其處鄉鄰類如此享壽七十九歲

尹佐商字紹伊上一里河戰村人生平篤信好學貌樸訥而

性溫厚未嘗有疾言遽色鄉里目爲長者尤精於醫理其不
妄視診治迥異常情云享壽七十四歲

粘瑞至楊店人好善樂施遇有窮餓者周卹懇至村東有橋
時常率子弟修補之至老不倦享壽八十四歲

梁爾泰湖南村人歲貢生享壽八十五歲其族有梁景祥者
通醫術好施舍丸散膏丹之屬有求輒給不索一錢享壽八
十四歲

范新魁龍三里向陽村人素甘淡泊與人無爭鄉鄰以平善
稱之享壽九十七歲

閻鳳鳴楊店人素立品望以端方稱事親亦克盡孝道享壽

九十三歲

苗大田苗馬村人居鄉和厚篤於嫺睦其家族五世同堂人無間言享壽八十二歲

谷六榮楊店人生平言直行方人所信服鄉鄰有爭訟必力爲排解歸於和好享壽九十六歲

許葆西官莊人世以耕農爲業稍稍從事服賈不事欺僞持以平衡享壽一百一歲而終

祈琳官一里沙溝人鄉居力農好講古誼鄰里子弟之就與傾談者必舉孝弟之軼事爲稱述之現年九十八歲膺強健赴田力耕云

鄉飲

王家寶韓城人字鷺西嘉慶初年舉鄉飲介寶少工文翰善尺牘應郡試冠軍以內艱罷歸遂絕意仕進徧遊燕楚秦晉間所交皆知名士晚年家居以林泉自娛嘗繪小照案擁琴書竹石交映已乃科頭踞坐一鶴翩翾於側是可想見其風致已

魏垚字育萬延秋人光緒季年舉鄉飲介寶工文藝精醫術家庭孝友居鄉敦厚篤信義遇公益事雖極勞苦不少倦享壽七十五歲人謂其齒德兼優云

胡家麟字仁符龍三里向陽村人歲貢生素淳樸言訥而行

潔不自矯異於人或以非義相干則屹然不敢犯也當時河南太守文仲恭先生廉正嚴峻於士類少所容接獨契重仁符與魏育萬二人縣令因之舉行鄉飲酒禮延爲介賓焉

方技

苗六甲城東苗馬村人素嗜易神於占驗其他奇門等數凡卜筮之書無弗博覽同治元年春避亂於喊龍山側日已夕忽語衆曰速去之速去之明早此處當有難南移三五里當無患衆如其言其不去者次日侵晨果遇賊次年又謂村衆曰劫方未已賊且復至當於東澗溝築砦避之村衆從之爲築天山寨六月賊果至據寨守禦得無患子書篆折桂俱有

名於時

補遺

義烈

穆遷泊二里穆店人明季出任秦王府苑馬寺事李自成攻西安與戰而敗城陷死於難

張式廉字介泉東趙保人素沉鷲有膽略不拘拘於曲禮小廉而義憤所激不避險難壯歲嘗歷官交城典史

在河不得問府

志解組歸宣統末年四方兵亂土匪蜂起鄉閭謀結團資保衛推介泉爲團總治器械儲貲糧招丁壯數十人部勒之激勸有方恩威兼濟於是乎人思白効覘匪所在搜勦靡遺鄰

村有急難輒踴躍往趙保團勇之名震於遐邇民國五年端午節之後一日期往石陵勦匪暫宿縣城是夕駐防軍有叛兵譁潰斬關出團勇有素與相識者爲所煽惑遂歸而約黨謀亂入夜介泉方在局所子耀光侍兇徒持鎗入父子俱斃支骸並毀無完體里人悲其生之烈而死之慘也爲之建祠以祀

紳耆

郭之蕃壽安里溝頭人家貧嗜書早歲童試冠軍入邑庠補增廣弟子員現年八十六歲